

人物志十九

湖北通志卷一百四十一

忠義傳一目錄

鬬克黃

左司馬成

申包胥

王孫由于

鬬辛

莫敖大心

王子啟

申鳴

屈原

屈廬以上周

胡爽

習珍以上漢

馮習

張悌

應余以上三國

郭察

王豹以上晉

謝純以上宋

裴芬之

章粲子臧

柳敬禮

杜岸

張彪

樂子雲以上梁

馬元規

許欽寂弟欽明

俞文俊

李礪子沈

張抃

廖忠以上唐

志百四十一

人物十九 目錄

一

喬亢陸軌

以上五代

陳求道

連萬夫

邊居誼

張順張貴

劉鼎孫

王玠

方瓊

徐福

郭贊

陳嘉言

黨仲昇

祝松

吳源

汪涯

向良以上宋

聶炳

馮三

薛天定

李清七

李宗可

張大九

吳汝

普元禮

向壽福從子廷芳
以上元

賀逢聖

明睿

吳裕中

吳思溫

貢其志

王時化

張鳴錦

孫鵬舉

李成名

朱義超

朱蘊銳從弟蘊鏐
朱恭敬

艾棐

呂希允

沈宥

陳一房

劉士适

何應軫

婁貴宸

朱蘊羅

朱英燦

熊兆貞

熊兆琮

李琥

吳滋明

劉承漢

李盡臣

方應星

賀捷功

張士璜

賀昌明

蕭曠

金聲

方宸

漆永受

汪洪

李甲

駱文節

陳瑞

蒙正發

桂大芳

賈榮

潘全斌

尹如翁

陳士衡以上明

人物志十九

湖北通志卷一百四十一

忠義傳一

周

鬬克黃子文之孫楚箴尹也初子文弟司馬子良生子越椒子文曰必殺之是子也熊虎之狀而豺狼之聲弗殺必滅若敖氏子良不可子文以爲大憾及將死聚其族曰椒也知政乃速行矣無及於亂子文卒子鬬般爲令尹越椒爲司馬殺鬬般而居其位遂攻王王滅若敖氏時箴尹克黃使於齊還及宋聞亂其人曰不可以入矣箴尹曰棄君之命獨誰受之君天也天可逃乎遂歸復命而自拘於司敗王思子文之治楚國也曰子文無後何以勸善使復其所改命曰生

左傳

左司馬成敗吳師於雍篴傷謂其臣曰誰能免吾首吳句卑曰臣

志百四十一

人物十九 忠義傳

一

賤可乎三戰皆傷曰吾不可用也已句卑布裳剄而裹之藏其身而以其首免

左傳

申包胥楚大夫

案圖書集成引舊志申包胥京山人

初伍員與申包胥友其亡也謂

申包胥曰我必復楚國申包胥曰勉之子能復之我必能興之及昭王在隨申包胥如秦乞師依於庭牆而哭日夜不絕聲勺飲不入口七日秦伯爲之賦無衣九頓首而坐秦師乃出後昭王返國申包胥曰吾爲君也非爲身也遂逃賞

左傳

王孫由于楚大夫昭王十年吳師伐楚戰於柏舉楚師大敗五戰及郢昭王涉睢濟江入於雲中王寢盜攻之以戈擊王王孫由于以背受之中肩王奔郢由于徐蘇而從王遂奔隨明年復入郢

左傳

楚寶

鬬辛楚大夫成然之子楚滅郢以辛爲郢大夫故號曰郢公辛成

然之爲政也貪賄無厭故平王殺之而復用辛及吳人之入楚也昭王出奔鄖辛之弟懷謀將弑王辛固止之懷曰平王殺吾父在國則君在外則讎也見讎弗殺非人也辛曰夫事君者不爲外內行不爲豐約舉苟君之尊卑一也且夫自敵以下則有讎非是不讎下虐上爲弑上虐下爲討而況君乎君而討臣何仇之爲若皆讎君則何上下之有乎吾先人以善事君成名於諸侯自鬬伯比以來未之失也今爾以是殃之不可懷弗聽曰吾思吾父不能顧矣辛懼不免乃以王奔隨

國語楚寶

莫敖大心楚人也吳與楚戰於柏舉莫敖大心撫其御之手曰嗟乎子乎楚國亡之日至矣吾將深入吳軍若撲一人若捽一人以與大心者也社稷其庶幾乎故斷脰決腹一瞑而萬世不視

國策與

沈尹成事略同

志百四十一

人物十九 忠義傳

二

王子啟字子閭楚昭王之弟也白公勝旣殺令尹司馬欲立王子閭以爲王子閭不可劫之以刃子閭曰王孫輔相楚國匡正王室而后自庇焉閭之願也今子假威以暴王室殺伐以亂國家吾雖死不予從也白公勝曰楚國之重天下無有天以與子子何不受也子閭曰吾聞辭天下者非輕其利也以明其德也不爲諸侯者非惡其位也以潔其行也今吾見國而忘主不仁也劫白刃而失義非勇也子雖告我以利威我以兵吾不爲也白公強之不可遂殺之

左傳楚寶

申鳴者楚人也在家而養其父孝聞於楚國王欲授之相申鳴辭不受其父曰王欲相汝汝何不受乎申鳴對曰舍父之孝子而爲王之忠臣何也其父曰使有祿於國立義於庭汝樂吾無憂矣吾欲汝之相也申鳴曰諾遂入朝楚王因授之相居三年白公爲亂

殺司馬子期申鳴將往死之父止之曰棄父而死其可乎申鳴曰
聞夫仕者身歸於君而祿歸於親今既去父事君得無死其難乎
遂辭而往因以兵圍之白公取其父持之以兵告申鳴曰子與吾
吾與子分楚國子不與吾子父則死矣申鳴流淚曰始吾父之孝
子也今吾君之忠臣也吾聞之曰食其食者死其事受其祿者畢
其能今吾已不得爲父之孝子矣乃君之忠臣也吾何得以全身
援桴鼓之遂殺白公其父亦死王賞之金百斤申鳴曰食君之食
避君之難非忠臣也定君之國殺臣之父非孝子也名不可兩立
行不可兩全也如是而生何面目立於天下遂自殺

說苑

屈原名平楚之同姓也爲楚懷王左徒博聞強志明於治亂爛於
辭令入則與王圖議國事以出號令出則接遇賓客應對諸侯王
甚任之上官大夫與之同列爭寵心害其能懷王使原造爲憲令

屬草藁未定上官大夫見而欲奪之不與因讒之曰每一令出平
伐其功以爲非我莫能爲王怒遂疏屈平其後秦令張儀詳去秦
事楚曰秦甚憎齊楚誠能絕齊秦願獻商於之地六百里懷王貪
而信張儀遂絕齊使如秦受地張儀詐之曰與王約六里不聞六
百里懷王怒大興師伐秦秦大破楚師於丹淅虜其將屈匄明年
秦割漢中地與楚以和懷王曰不願得地願得張儀而甘心焉儀
聞請如楚如楚又因靳尚設詭辨於王之寵姬鄭袖王竟聽鄭袖
復釋去張儀是時屈平使於齊顧反諫懷王曰何不殺張儀王悔
追儀不及秦昭王與楚婚欲與懷王會平曰秦虎狼之國不可信
不如無行懷王稚子子蘭勸王行秦因留懷王竟死於秦頃襄王
立令尹子蘭使上官大夫短屈原頃襄王怒而遷之於是懷石遂
自投汨羅以死

史記

屈廬楚令尹屈建後白公勝將弑王王出亡令尹司馬皆死拔劍而屬之廬曰子殺叔父而求福於廬可乎吾聞知命之士見利不動臨死不恐爲人臣者時生則生時死則死是謂人臣之禮故上知天命下知臣道其可劫乎子胡不推之白公乃納其劍楚實

漢

胡爽南郡人爲郡主簿時武陵蠻六千人來向郡太守李肅策馬欲走爽叩馬諍之肅拔刀向爽曰掾促去爽叩馬曰爲臣之道死不忘忠若先殘殺當於地下與龍逢比干遊息肅遂殺之而走桓

帝徵肅伏法

後漢書南蠻傳

習珍襄陽人爲零陵北部都尉加裨將軍孫權襲據荊州諸縣響應珍欲保城不降珍弟曰驅土崩之民當乘勝之敵難以成功不如暫屈節於彼然後立大效以報漢室從之陰結樊仙等舉兵爲

志百四十一

人物十九 忠義傳

四

權所破珍舉七縣自號爲邵陵太守屯校夷界以事蜀潘濬攻之所至皆下唯珍所帥數百人登山濬數書諭使降不答濬單騎將左右自到山下求共交語珍謂曰我必爲漢鬼不爲吳臣不可招也因引弓射濬濬還攻守月餘糧箭皆盡珍曰受漢恩厚不得不報之以死諸君何爲者伏劍自殺劉先主聞珍敗爲發喪追贈邵陵太守

襄陽耆舊記

三國

馮習字休元南郡人隨先主入蜀先主東征吳習爲領軍統諸軍大敗於猇亭習死之

蜀志楊戲傳

張悌字巨先襄陽人少有名理孫皓時爲丞相晉伐吳皓使悌督沈瑩諸葛靚逆之吳軍大敗靚退走迎悌悌不去靚自往牽之悌曰仲思今日是我死日也吾作兒童時便爲卿家丞相所拔常恐

不得其死負名賢知顧今以身殉社稷復何遁耶覲流涕放之去

百餘步爲晉軍所殺

吳志孫皓傳注

應余字子正荊州人爲郡功曹山民背叛余與太守東里袞逆竄得出賊射袞余以身當箭被七瘡因謂賊曰我以身代君已被重瘡若身死君全殞沒無恨因仰天號泣涕血俱下如雨賊見其義烈釋袞不害

太平御覽引楚國先賢傳

晉

郭察武昌人永嘉中爲安成太守時益梁流寇破零桂諸郡進逼

安成察力戰死之

晉書郭翻傳江西通志

王豹順陽人少而抗直初爲豫州別駕齊王冏爲大司馬以豹爲主簿冏驕失天下心豹致牋於冏書人不報豹重牋曰昔周公攝事之日四國流言居東三年賴風雨之變成王感悟今明公自視

志百四十一

人物十九 忠義傳

五

功德孰如周公元康以來宰相之患危機竊發不及容思公所親見也會長沙王乂至見豹牋謂曰小子離開骨肉何不於銅駝下打死冏既不能用豹之策遂納乂言奏誅豹豹將死曰懸吾首大司馬門見兵之攻齊也眾庶冤之俄而冏敗

晉書忠義傳案史言順陽當舉郡名順

陽郡八縣半在今河南地不知豹果爲湖北人否姑錄之

宋

謝純字景懋江陵人劉毅以爲長史劉裕使王鎮惡襲毅佐吏皆奔純叱曰我人吏也逃欲安之遂爲亂兵所害

荊州府志

梁

裴芬之字文馥襄陽人

詳列傳裴叔業下

仕齊位羽林監入魏以父勳封

上蔡伯爲東秦州刺史在州有清靜稱徙封山在縣遷岐州刺史

隴賊陷城送芬之上邽爲莫折念生所害

北史裴叔業傳案叔業入北未久芬之當爲

楚產故
列之

韋粲字長倩襄陽人放子

放見列傳

好學仗氣歷官衡州刺史召還聞

侯景作逆倍道赴援與外弟柳仲禮合軍推仲禮爲大都督次新亭旦日將戰仲禮令粲頓青塘當石頭中路粲慮營壘未立賊必爭之仲禮曰青塘立營逼近淮渚欲以糧儲船乘盡就迫之此事大非兄不可粲率所部進昏霧失道及青塘夜已過半壘柵至曉未合景率銳卒來攻乘勝入營左右牽粲避賊粲不動猶叱子弟力戰遂見害子尼及三弟助警構從弟昂皆戰死親戚死者數百人粲長子臧字君理歷官東宮領直侯景至率兵屯西華門城陷奔江州收舊部曲據豫章爲部下所害

南史參梁書

柳敬禮襄陽人慶遠孫與兄仲皆以勇烈知名起家著作郎禮稍遷扶風太守侯景渡江敬禮率馬步三千赴援與景頻戰先登陷

志百四十一

人物十九 忠義傳

六

陣甚著威名臺城沒敬禮與仲禮俱見於景景遣仲禮經略上流留敬禮爲質敬禮密謂仲禮曰景來會敬禮抱之兄拔佩刀便可斫殺及酒數行敬禮目仲禮仲禮見備衛嚴不敢動計不果敬禮

與南康王會理共謀襲城剋期將發蕭賁知而告景遂遇害

梁書

杜岸字公衡襄陽人少有武幹好縱橫之術太清中與弟崱同歸

元帝以爲持節平北將軍北梁州刺史封江陵縣侯岸因請襲襄

陽元帝許之岸乃晝夜兼行先來攻其城不剋岳陽王至遂走依

其兄嘯於南陽嘯時爲南陽太守岳陽王尋遣攻陷其城岸及嘯

俱遇害

梁書

張彪不知何許人自云家本襄陽少亡命在若邪山爲盜頗有部

曲臨城公大連牧東揚州彪率所領客馬爲中兵參軍及侯景將

宋子仙攻下東揚州彪還若邪舉義征子仙不捷仍走向剡趙稜

爲侯景山陰令去職從彪後懷異志僞披心出血爲盟彪亦取刀刺心稜以手按之重取刀刺彪頭面被傷頓絕稜謂已死出告諸將彪左右韓武人視彪已甦遂誅稜復奉表元帝帝嘉之侯景平王僧辯遇之甚厚引爲爪牙貞陽侯稱帝以爲東揚州刺史征王懷之留長史謝岐居守會陳文帝據震澤將及會稽彪遣沈泰吳寶真還助岐保城泰等反迎陳文帝入城彪踰城而入文帝走出泰說文帝盡收彪家口彪將申進又叛彪彪復敗還入若邪山文帝遣章昭達殺之

南史

樂子雲江陵人梁元帝時任江陵令魏剋江陵眾奔散呼子雲子雲曰終爲虜矣不如守以死節遂仆地卒於馬蹏之下

南史樂薊傳

唐

馬元規安陸人以隊正從高祖征伐持節南下南陽得兵萬餘朱

志百四十一

人物十九 忠義傳

七

粲來攻元規嬰城固守城陷死之

唐書呂子藏傳

許欽寂安陸人嗣父圉師封萬歲通天元年契丹入寇詔爲隴山軍討擊副使戰崇州敗爲敵所禽方圍安東脅令說屬城未下者欽寂呼安東都護裴玄珪曰賊朝夕當滅幸謹守賊怒殺之武后下制褒美贈蘄州刺史諡曰忠弟欽明以軍功擢左玉鈴衛將軍安西大都護鹽山郡公出爲涼州都督嘗輕騎按部會突厥默啜兵奄至被執賊與偕至靈州使說降欽明至城下呼曰我乏食有美醬乎有梁米乎并乞墨一枝時賊四面阻水唯一路得入欽明欲選將兵夜襲賊而城中無寤其度者遂見害

唐書許紹傳

俞文俊江陵人則天初載新豐風雷山移乃改縣名爲慶山四方畢賀文俊上書曰陛下以女主處陽位反剛易柔故地氣隔塞而山變爲災陛下謂之慶山臣以爲非慶也則天怒流嶺外後爲六

道使所殺舊唐書忠義傳

李磎字景望江夏人大中末擢進士遷戶部郎中黃巢陷洛磎挾
尚書八印走河陽留守劉允章爲賊脅遣人就磎索印拒不與允
章悟亦不臣賊高駢受僞命磎諍之不納入爲中書舍人翰林學
士乾寧元年進禮部尚書同中書門下平章事左遷太子少傅昭
宗屬意用之李茂貞等深詆其非罷爲太子少師茂貞及王行瑜
擁兵闕下列磎梟殺之行瑜誅詔復官爵諡曰文磎好學家有書
萬卷世號李書樓子沆字東濟有俊才亦遇害唐書李
張抃孝昌人今孝感地爲張巡裨將尹子奇圍睢陽巡使抃如彭城許
叔冀請援叔冀不應又副南霽雲潰圍告急於臨淮賀蘭進明進
明無出師意愛霽雲及抃勇欲留之爲大饗樂作霽雲拔刀斷一
指示不留抃亦斷一指竟不食歸報及城陷抃與霽雲等俱不屈

志百四十一

人物十九 忠義傳

八

死嘉慶通志孝感志案新舊唐書俱無張抃名張巡傳但稱南霽雲與姚間雷萬春等三十六人遇害今嘉慶志孝感志爲抃立傳或卽三
十六人之一與

廖忠唐年人今崇陽地大中閒黃巢陷鄂州與弟恕起義兵殺賊無算
賊斬其首猶躍馬七里揮戈破石乃死後人遂名其地爲七里山
走馬嶺事聞贈虎威將軍恕亦遇害一統志崇陽志

五代

喬亢陸軌俱襄陽人仕周爲殿侍東三班宋太祖受禪自宣祐門
入守者拒弗納乃自他門入既受朝賀卽聞宣祐門守者一班皆
自殺太祖大驚趨救之得不死者二人詢之乃喬陸也改班長入
青紅帛爲帽飾二人旣出復自殺西湖遊覽志

宋

陳求道字得之咸寧人登進士第靖康閒判都水監及朝議二帝

出郊請和求道力爭不聽欽宗知康王兵眾求道請以元帥加之
齎蠟書者八人獨求道所薦劉定致書而還金人立張邦昌下令
京官不朝者死求道稱疾不往嘔血累日開封尹親以邦昌命召
之不能屈建炎四年命爲襄鄧隨郢鎮撫以兵食不給待命未行
自咸寧挈家就食嘉魚兵亂遷蒲圻招撫劉忠叛眾遂逼求道還
嘉魚至茗山奉爲主將南走湖湘求道不從賊怒殺其妻蔡氏及
其二子符佺從死必欲從已求道罵愈厲賊斫其口拔出舌斷之
獨符子凱竄山谷得免賊退得求道屍瘞於興陂

宋史忠義傳

連萬夫應山人補將仕郎建炎四年羣賊犯應山萬夫率邑人保
山砦砦破賊知萬夫勇敢有謀欲留爲用萬夫怒厲聲罵賊爲所
害贈右承務郎官其家一人

宋史忠義傳

邊居誼隨州人初事李庭芝積戰功至都統制咸淳十年以荆湖

志百四十一

人物十九 忠義傳

九

制置帳前都統守新城居誼善御下得士心凡戰守之具治之皆
有法元兵破沙陽執守將王大用呂文煥意新城小壘可不攻自
破居誼以舟師拒之文煥到沙陽懸所斬首招降不從又縛大用
至壁下使呼曰邊都統急降不然禍至居誼不答又射榜檄於壁
中居誼曰吾欲與呂參政語耳文煥聞之以爲居誼降已也馳馬
至伏弩亂發中煥及馬馬仆幾鉤得之眾挾以奔越二日總制黃
順開東門出降明日又使順來招居誼曰新城吾誓死守何可得
也順又呼其部曲部曲欲縋城出居誼悉驅以入當門斬之文煥
乃麾兵攻城力不支走還第拔劍自殺不殊赴火死事聞贈利州
觀察使立廟死所

宋史忠義傳

張順張貴俱襄陽民兵部官元圍襄陽急斷援兵路諸帥駐新郢
重賞募死士得三千人皆襄郢民兵之驍悍善戰者求將得二人

其智勇素爲諸軍所服先於均州上流中水峪立硬寨造水哨輕舟百艘每艘三十人鹽一袋布二百且令之曰此行有死而已或非本心亟去毋敗吾事人人感激思奮率眾救襄陽結方陳各船置火鎗火礮熾炭巨斧勁弓夜漏下三刻起碇出江以紅燈爲號貴先登順爲殿乘風破浪往犯重圍至磨洪灘以上敵舟布滿江面無罅可入鼓勇乘銳凡斷鐵組攢棧數百屯兵雖眾皆披靡避其鋒轉戰一日二十餘里乃抵襄陽城城中久絕援聞救至人人踴躍氣百倍收軍點視則獨失張順軍中爲之短氣越數日有浮尸遡流而上被甲冑執弓矢直抵浮梁視之順也身中四鎗六箭怒氣勃勃如生軍中驚以爲神結冢斂葬立祠祀之自此圍益密水道連鎖數十里以大木下撒星椿雖魚鼈不能渡也外勢旣蹙貴乃募壯士至夏貴軍求援得二人能伏水中數日不食使持書

以出至椿若柵則腰鋸斷之徑達夏軍得報而還許以軍五千駐龍尾洲以助夾擊刻日既定貴提所部軍點視登舟失帳前親隨一人乃宿來有過遭撻者貴驚歎曰吾事泄矣然急出或未及知耳乃乘夜鼓譟衝突新垣破圍前進眾皆辟易旣度險要之地時夜半天黑至小新城敵方覺遂以兵數萬邀擊之貴又爲無底船百餘艘中立旗幟各立軍士於兩舷以誘之敵皆競躍以入溺死者萬餘亦昔人未出之奇也至鉤林灘將近龍尾洲遠望軍船櫛櫛旗幟紛紜貴軍皆喜躍舉流星火以示之軍船見人皆前相迎逮勢近欲合則來舟北軍也蓋夏軍前二日以風雨驚疑退屯三十里矣北軍前得逃卒之報遂據洲上以逸待勞至是旣不備殺傷殆盡貴身被數十創力不支遂爲生得至死不屈北軍以四卒輿尸至襄以示援絕且諭之降呂文煥盡斬四卒以貴附葬順冢

爲立雙廟尸而祝之文煥旋以襄陽降時有武功大夫范大順者與順貴同入襄陽降時仰天大呼就所守之地分自縊死又有右武大夫馬軍統制牛富樊城守禦立功尤多城降之際傷重不能步乃就戰樓觸柱數四投身火中而死

宋史

劉鼎孫字伯鎮江陵進士官翰林學士德祐二年崖山破陸秀夫負少帝赴海死鼎孫亦驅家屬並輜重沈海不死被執榜掠無完膚一夕得脫卒投海

宋史陸秀夫傳

王玠字介玉自長沙徙居鄂遂爲江夏人嘗以文謁黃魯直深加賞歎建炎中孔彥舟爲蘄黃鎮撫使招致之授迪功郎本司幹辦公事會彥舟謀叛玠入諫開說百端彥舟不聽乃罵曰逆賊萬段彥舟併其家屬沈之龍眼磯

輿地紀勝

方瓊通城人元祐六年進士累官兵部尙書以憂去職宣和七年

志百四十一

人物十九 忠義傳

士

金人入寇復官鎮夷將軍戮力防禦金兵逼畿甸帥師勤王殉國難建炎二年詔建廟雞鳴嶺

通城志

徐福通城人仕於宣和間以童蔡用事去官金兵逼汴偕邑人方瓊簡卒禦寇死後以李綱疏請奉敕追封

通城志

郭贊安陸人爲上蔡令遇金人入寇罵賊死

輿地紀勝

陳嘉言竟陵人爲郡學論文行爲鄉所推開禧間金兵至景陵脅降嘉言不屈自沈於水同室六人俱死

輿地紀勝

黨仲昇字如日漢川人寧宗時金兵圍安陸游騎由竟陵掠漢川仲昇與邑人趙觀許嵩高保等守禦南河遣死士焚金兵戰艦晝夜力戰金人敗遁仲昇夜劫寨斬賊甚多中流矢死事聞贈修武

郎一統志

祝松竟陵人舉進士調長水簿端平初城陷死之民立祠以爲祀

一統志

吳源荊門州人官統制咸淳七年元兵圍襄陽源將兵赴援五戰皆捷元人復合圍夾擊矢盡無援臨陣猶禽斬多名被創死部下五百人無一降者妻盧氏聞之自縊死鄉人相與斂葬立祠號曰

雙節荊門州志

汪涯漢陽人賈似道督師延爲賓客元世祖圍武昌似道乞和師退欲作露布獻功涯瞋目曰啗人以利而退其師又欺主上何露布爲似道怒搃殺之一統志

向良施州人初署參軍歷遷都統景炎元年元兵襲州城破之不

屈死楚紀

元

聶炳字韞夫江夏人元統元年進士授承事郎同知平章州事早

志百四十一

人物十九 忠義傳

七

孤母改適及官平昌方知之乃迎之以歸久之轉寶慶路推官會峒猺寇邊湘慶行省右丞圖沁討之屯武岡以炳攝分省理問官悍卒掠民爲俘炳言於圖沁釋其無驗者數千人至正十二年遷知荊門州淮漢賊起荊門不守炳募土兵七萬克復之又與四川行省平章政事耀珠復江陵旣而斬黃安陸之賊合力攻荊門炳率孤軍晝夜血戰援絕城陷被執極口罵不絕賊支解之元史本傳

馮三江夏人爲湖廣行省公使寇陷湖廣羣隸悉起爲盜脅三使

從辭曰賊名惡我等豈可爲因怒罵不絕賊縛諸十字木剗肉以

死元史綽羅傳一統志

薛天定蘄水人宋末聚義兵保鄉里世祖下江南拜爲防守官累官兩淮防禦都招討使至治中寇至淮力戰死事聞贈總管諡威

武一統志

李清七斬水人與弟清八俱以勇敢聞至正十一年徐壽輝陷蘄水召授之官清七匿不出賊索得之不屈見殺鄉人立廟祀之志

李宗可蘄州人有勇略善槩余闕妻以兄女擢爲州判統軍陳友諒攻安慶城破宗可橫槩入賊中擊殺甚多闕死驅其家屬盡殺之乃自刎一統志

張大九廣濟人幼習左氏春秋見天下兵起遂隱陳友諒強起官之不可友諒怒刎其兩足一統志

吳汝字國棟黃岡人父賢爲懷遠將軍至正十四年劉福通據鄂州汝從賢討平之遷行省平章左丞鎮邾大水隄決以巨艦載石堵塞全活甚眾時徐壽輝攻鄂州汝起兵敗賊盡復所陷郡縣未幾壽輝潛師陷鄂州汝率十餘騎渡江圖再舉不克死之黃岡志

志百四十一

人物十九 忠義傳

三

普元禮公安人至元進士官御史出爲嶺南參知政事時郡邑皆沒入寇元禮假分司印徵兵蜀郡遇賊兵潰一門被殺過半元禮不屈死公安志

向壽福施州人至正閒從軍襄陽以功授行樞密院判歷同僉樞密院守鐵築城明昇據蜀遣其將戴壽攻城從子廷芳力戰死及城陷壽福與其子景仁俱死之楚紀施南府志

明

賀逢聖字克繇江夏人父時泰諸生見文學傳逢聖萬曆丙辰進士第

二授編修歷官洗馬魏忠賢聞湖廣生祠上梁文出逢聖筆特詣之逢聖曰此借銜耳余安能數千里外爲人作文忠賢慙怒誣以罪削籍崇禎初詔復故官累遷禮部尙書兼東閣大學士致仕疏陳道中所見災傷及郵傳困敝狀十四年召還尋復引疾歸張獻

忠園武昌逢聖晨夕登陴與士卒同饑困城陷率妻于氏子觀明子婦曾氏陳氏孫三人孫婦某氏投墩子湖死次子光明自他所來亦從死閱八日事定得其屍面如生

明史本傳

明睿字作聖江夏人力學甘貧名節自勵明末流賊陷城賊獨不入其門睿慨然曰安有父母之邦覆而偷生苟活者乃自題神主曰明苦節明生之位語家人速從我入井否則速去於是妻陳氏及二子二女竝諸婢以次投井睿笑曰吾今曠然無累矣從容榜諸門赴井死時人號爲明井

明史馮雲路傳

吳裕中江夏人萬曆己未進士授順德令屏絕弊政行取御史時丁紹軾方比魏忠賢羅織忠黨裕中俱疏劾之坐削職廷杖命方下裕中飲他所緹騎至四坐失色乃言曰昨具小疏此來必爲某也至午門拜杖血濺如注骨節碎折稍甦語所知曰杖亦君恩惟

志百四十一

人物十九 忠義傳

古

四疏才達其一諸君當爲我續繕後三疏次第封奏可告無罪於先皇但母氏遠離不知今夕兒爲國死矣未幾氣絕年四十一謀者報丁紹軾時方坐茗碗應手墮偃身連呼曰無預我事左右驚問曰適見吳御史來越日暴卒崇禎時追贈太僕寺卿予蔭諡忠烈

楚寶

吳思溫江夏人萬曆甲午舉人任均州學正遷雲南順州知州苗蠻犯順撫循有方歷廣西布政致仕歸張獻忠犯武昌率兵守保安門城陷不屈死之

勝朝殉節諸臣錄

貢其志字以達江夏人天啟甲子舉人任屏山知縣署富順以梗直歸張獻忠陷武昌其志家二十餘人闔門焚死已乃赴鐵佛寺

自縊

勝朝殉節諸臣錄案蘄州志以其志爲州人罷官後僑居省垣當是

王時化江夏人萬曆己酉舉鄉試第一知昭化縣崇禎十年十月

李自成惠登相等以四十萬眾入四川大將侯良柱敗歿於廣元昭化陷時化死之贈光祿丞楚寶

張鳴錦字養晦江夏人官指揮千戶崇禎十六年張獻忠破城被執不屈舉家三十餘人同死楚寶

孫鵬舉字天孫一字何知江夏人以歲貢任新化訓導遷渭源知縣再補松陽致仕歸張獻忠攻城與賀逢聖商守禦計城陷一門

殉節十餘人楚寶

李成名字次峰江夏人流寇至聞其名欲官之成名罵賊賊怒斷其手寸磔死楚寶

朱義超字德心楚藩宗室明末亂嘗寢處一劍曰將來必與此終始流賊至驅妻子入屋後大池中率家丁巷戰殺賊三十餘人賊大至自剄死一統志 雍正 正湖廣通志

志百四十一

人物十九 忠義傳

五

朱蘊範字希周楚藩宗室博學工文力辭中尉祿巡按汪某聞其賢疏薦之張獻忠陷武昌不屈死從弟蘊鎔亦死又有朱恭敬者亦楚宗也賊陷城時偕關外居民生縛賊數十人尋遇害一統志

艾斐字以輔江夏人萬曆庚子舉人授教諭累遷成都府同知致仕歸張獻忠陷省城語其妻王氏曰留一子衍宗祀足矣與妻及

子宗濂孫文炳俱投井死江夏志

呂希允江夏人爲楚藩護衛魁偉有膂力張獻忠薄城希允願負王縉出王不許城陷入宮覓王不獲返至端履門遇賊手刃數人乃自刎江夏志

沈宥字似仲江夏人歲貢張獻忠犯省垣宥分守南城上戰守策不用歸哭曰大事去矣命弟宜寅入京侍親寬率諸姪歸鄉城陷被執不屈死妻劉氏子峻英俊賁環哭罵賊皆被殺江夏志